



Sofia Geisler
Inatsisartunut ilaasortaq, Inuit Ataqatigiit

Akissut - § 37 - 2019-237 – pisortanut akiitsut aalisarsinnaanermullu akuersissutit

Brevdato: 16-07-2019
Sags nr. 2019 - 16120

Inatsisartut Suleriaasianni § 37 naapertorlugu aalisarsinnaanermut akuersissutinik pigisaqartut qanoq amerlatigisut 1 million kr. sinnerlugu pisortanut akiitsoqarnersut Naalakkersuisunut apeqquummik saqqummiussivutit. Apeqquut uannut akineqartussanngorlugu innersuunneqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. §37 naapertorlugu apeqqutinut 142/2018-mut akissumminni Naalakkersuisut allapput, aalisarnermut akuersissutinik peqartut 17-it, suliffeqarfiup qanorluunniit aaqqissuussaana apeqqutaatinnagu, pisortanut akiligassaareersunik 1 mio. Kroniniit 5,0 mio. Kroninut akiitsoqartut. Taakku saniatigut aalisarnermut akuersissutinik peqartut 2-uk, suliffeqarfiup qanorluunniit aaqqissuussaana apeqqutaatinnagu, pisortanut akiligassaareersunik 5,1 mio. Kroniniit 10,0 mio. Kroninut akiitsoqartut.**

- Naalakkersuisut ilisimatitsissutigisinnaavaat aalisarnermut akuersissutinik peqartut qassit, apeqqutaatinnagu suliffeqarfiup qanoq aaqqissuussaana, pisortanut akiligassaareersunik 1 mio. Kroniniit 5,0 mio. Kroninut akiitsoqarnersut?

Akissut:

§ 37 naapertorlugu apeqqutip taaneqartup, juuli 2018-imi ukiup ataatsip matuma siorna saqqummiunneqartup 142/2018-ip akineqarneranut atatillugu, paasissutissat kissaatigineqartut takussutissartaat pigineqannginnerat Naalakkersuisut paasissutissiissutigaa. Taamaakkaluartoq immikkut ittunik paasissutissanik katersiviit akimorlugit aalisarsinnaanermut akuersissutinik kiisalu Akileraartarnermut Aqutsisoqarfiup akiliisitsiniarnermut nalunaarsuiffianit takussutissiivimmik kissaatigineqartumik pilersitsinikkut Naalakkersuisut apeqquteqartup kissaataa malippaat.

Qanorluunniillu pisoqaraluarpat Naalakkersuisut paasissutissat kissaatigineqartut aggustip qaammataa sioqqullugu pissarsiarisinnaangilaat, Akileraartarnermummi Aqutsisoqarfimmi sulisut immikkut ilisimasallit massakkut sulinnigiffeqarput. Tamatumali saniatigut paasissutissanik naatsorsoqqissaakkanik immikkut ittunik sanaartornerit aniatitsinerillu § 37 naapertorlugu apeqqutinik akissuteqartarnerup avataaniinnera oqaatigineqassaaq. Naalakkersuisut § 37 naapertorlugu apeqqutip 142/2018-ip akineqarneranut atatillugu immikkut ittunik paasissutissanik pissarsiniarlutik toqqaanerata tamanna allanngortinngilaa.

Apeqqummut qaqinneqartumut allanik oqaatigisassaqaqanngilanga.

2. §37 naapertorlugu apeqqutinut 142/2018-mut akissumminni Naalakkersuisut allapput, aalisarnermut akuersissutinik peqartut 17-it, suliffeqarfiup qanorluunniit aaqqissuussaanera apeqqutaatinnagu, pisortanut akiligassaareersunik 1 mio. Kroniniit 5,0 mio. Kroninut akiitsoqartut. Taakku saniatigut aalisarnermut akuersissutinik peqartut 2-uk, suliffeqarfiup qanorluunniit aaqqissuussaanera apeqqutaatinnagu, pisortanut akiligassaareersunik 5,1 mio. Kroniniit 10,0 mio. Kroninut akiitsoqartut.

- Naalakkersuisut ilisimatitsissutigisinnaavaat aalisarnermut akuersissutinik peqartut qassit, apeqqutaatinnagu suliffeqarfiup qanoq aaqqissuussaanera, pisortanut akiligassaareersunik 5,1 mio. Kroniniit 10,0 mio. Kroninut akiitsoqarnersut?

Akissut:

Siuliani 1-ip akineqarnera takuuk.

3. §37 naapertorlugu apeqqutinut 142/2018-mut akissumminni Naalakkersuisut allapput, aalisarnermut akuersissutinik peqartut 17-it, suliffeqarfiup qanorluunniit aaqqissuussaanera apeqqutaatinnagu, pisortanut akiligassaareersunik 1 mio. Kroniniit 5,0 mio. Kroninut akiitsoqartut. Taakku saniatigut aalisarnermut akuersissutinik peqartut 2-uk, suliffeqarfiup qanorluunniit aaqqissuussaanera apeqqutaatinnagu, pisortanut akiligassaareersunik 5,1 mio. Kroniniit 10,0 mio. Kroninut akiitsoqartut.

- Naalakkersuisut ilisimatitsissutigisinnaavaat aalisarnermut akuersissutinik peqartut qassit, apeqqutaatinnagu suliffeqarfiup qanoq aaqqissuussaanera, pisortanut akiligassaareersunik 10 mio. Kroninut sinneqartunik akiitsoqarnersut

Akissut:

Siuliani 1-ip akineqarnera takuuk.

4. §37 naapertorlugu apeqqutinut nr. 176/2018-mut akissumminni Naalakkersuisut allapput, suliassat akiliisitsiniartartunut tunniunneqarsimasut.

- Naalakkersuisut ilisimatitsissutigisinnaavaat pisortanut akiligassaareersut akiitsorineqartut §37_142/2018 taaneqartut akilerneqarsimanersut?

Akissut:

Apeqqutip 142/2018-ip, apeqqutikkullu 176/2018 malitseqartinneqartup akissuteqarfigineqarneranut atatillugu paasissutissanik suliaqartarneq paasissutissanik katersivinnik marlunnik sulianik aalajangersimasunik pissarsinikkut pivoq – taamaalillunilu inunnut suliffeqarfinnulluunniit aalajangersimasunut nalunaarsukkatigut pinnani. Taamaammat Naalakkersuisut apeqqut qaqqinneqartoq akisinnaanngilaat.

Apeqqummut qaqqinneqartumut allanik oqaatigisassaqaanngilanga.

5. §37_176/2018-mi akissummini Naalackersuisut allapput pisortanut akiligassaareersut akiitsut aalisarnerni ingerlanneqartuni sorlerneruunerat oqaluttuarisinnaanagu, "tamatumunngalu pissutaavoq suliaq annertooq matumani pineqarmat. ilaatigut pisortat nalunaarsuiffii marluk ataatsimoortinnissaat pisariaqassammat. tamannalu Naalackersuisut isumaat malillugu malittarisassanut atuuttunut unioqqutitsinerusinnaammat. Naalackersuisut isumaqarput ataatsimoortitsisoqarniarpat tamanna Datatilsynimiit immikkut akuersissuteqarnissaq pisariaqassasoq."

- Naalackersuisut ilisimatitsissutigisinnaavaat isuma taanna sulii aalajangiusimanerlugu, taamaassimappallu qanoq isillutik §37_176/2018-mi ilisimatitsissutigisinnaasimanerlugu aalisarsinnaanermut akuersissutinik pigisaqartut pisortanut akiligassaareersunik akiitsullit amerlassusaat ilisimatitsissutigalugu?

Akissut:

Akuersissutinik pigisaqartut ima amerlatiginerat, allaat akissuteqarnermi kinaassutsimik isertuussisinnaaneq qulakkeerneqarsinnaasoq Naalackersuisut nalilerpaat. Eqimattat pineqartut immikkoortiterneqarpata taamaakkunnaarsinnaavoq.

Apeqqummut qaqqinneqartumut allanik oqaatigisassaqaqanngilanga.

6. §37_176/2018-mi akissummini Naalackersuisut allapput aalisarsinnaanermut akuersissutinik tunniussinissamut atatillugu piumasaqaatinngortinniarnagu pisortanut akiligassaareersunik akiitsoqaqannginnissaq.

- Naalackersuisut ilisimatitsissutigisinnaavaat tamanna sulii attannerlugu?

Akissut:

Aalisarnermut, Piniarnermut Nunalerinermullu Naalackersuisoqarfik apeqqummik uannga akissuteqarnissaanik qinnuigaara.

Naalackersuisut suliami isummaminnik aalajangiusimannittut Aalisarnermut, Piniarnermut Nunalerinermullu Naalackersuisoqarfiup paasissutissiissutigaa.

Akissut taanna malippara, tamatumalu saniatigut apeqqummut allanik oqaatigisassaqaqanngilanga.

Inussiarnersumik inuulluaqqusillunga


Vittus Qujaukitsoq